

許衡峯編

本草綱目萬方類纂

第四冊

許文公



許衡筆編

本草綱目萬方類纂

第四冊

許衡



中華民國六十七年六月出版

本草綱目萬方類纂 全書四冊

特價：新台幣陸佰元整

編者：許衡峯

出版者：文笙書局

地址：台北市重慶南路一段六十九號

電話：三八一〇三五九

郵撥：一〇〇一六五號

發行人：黃清笙

印刷者：大文化打字印刷有限公司

地址：台北市中華路二段九十五號之三

電話：三八一五六五〇・三三一五〇五〇

所有權版

必究印翻

記證字號：局版台業字第一二六三號

本草綱目萬方類纂第四冊目錄

雜證門

望腫脹部	計一百九十八方	九六三
望噎膈部	計三十三方	九九〇
望飲食部	計七十一方	九九五
哭積聚部	計四十四方	一〇〇四
哭驚悸怔忡健忘部	計二十一方	一〇一一
哭不得臥部	計十方	一〇一四
哭嗜臥部	計六方	一〇一六
哭聲音部	計十一方	一〇一七
哭中毒部	計二百一十八方	一〇一九
哭中惡部	計八十六方	一〇四二
哭中疊部	計四十方	一〇五三
哭卒中暴死部	計三十一方	一〇五九
哭諸哽部	計八十四方	一〇六三
哭呃部	計九方	一〇七三
哭滯氣節	計五十方	一〇七五
哭厥風部	計四十九方	一〇八二

美跌打金刃竹木破傷部	計二百八十八方	一〇八八
空、湯火傷部	計六十五方	一一二三
空、丹毒斑疹部	計九十六方	一一三一
空、癰瘤疣痣部	計三十六方	一二四二
空、疔毒疽瘡部	計八百九十三方	一四七
空、蟲獸傷部	計二百三十五方	一二五五
空、諸蟲部	計二十四方	一二八〇
空、虛勞部	計一百一十方	一二八四
空、頤養補益部	計一百五十二方	一三〇二
空、怪病部	計二十四方	一三三九
空、牛馬唐諸病部	計五方	一三四三
空、雜治部	計十一方	一三四四
合 計	二千九百方	

本草綱目萬方類纂第四冊目錄

雜證門

望腫脹部	計一百九十八方	九六三
望噎膈部	計三十三方	九九〇
望飲食部	計七十一方	九九五
哭積聚部	計四十四方	一〇〇四
哭驚悸怔忡健忘部	計二十一方	一〇一一
哭不得臥部	計十方	一〇一四
哭嗜臥部	計六方	一〇一六
哭聲音部	計十一方	一〇一七
哭中毒部	計二百一十八方	一〇一九
哭中惡部	計八十六方	一〇四二
哭中疊部	計四十方	一〇五三
哭卒中暴死部	計三十一方	一〇五九
哭諸哽部	計八十四方	一〇六三
哭呃部	計九方	一〇七三
哭滯氣節	計五十方	一〇七五
哭厥風部	計四十九方	一〇八二

美跌打金刃竹木破傷部	計二百八十八方	一〇八八
空、湯火傷部	計六十五方	一一二三
空、丹毒斑疹部	計九十六方	一一三一
空、癰瘤疣痣部	計三十六方	一一四二
空、疔毒疽瘡部	計八百九十三方	一一四七
空、蟲獸傷部	計二百三十五方	一二五五
空、諸蟲部	計二十四方	一二八〇
空、虛勞部	計一百一十方	一二八四
空、頤養補益部	計一百五十二方	一三〇二
空、怪病部	計二十四方	一三三九
空、牛馬唐諸病部	計五方	一三四三
空、雜治部	計十一方	一三四四
合 計	二千九百方	

腫脹部

一、治水腫浮滿方

水腫浮滿，用烏錫五兩、皂莢一挺，炙，酒二斗，煮六沸，頻服，至小便出二三升，即消。

二、治水腫尿少方

水腫尿少，用鍼砂醋煮炒乾，猪苓、生地龍各三錢，爲末，葱涎研和傅臍中，約一寸厚縛之，待小便多爲度，日二易之，入甘遂更妙。

三、治石水腫堅方

石水腫堅，脹滿，用白石英十兩，槌豆大，瓷瓶盛好，酒二斗浸之，以泥重封，將馬糞及糠火燒之，常令小沸，從卯至午住火，次日暖一中盞飲之，日三度，酒盡可再燒一度。

四、治水氣腫滿方

水氣腫滿，用汞粉一錢，烏雞子去黃盛粉，蒸餅包蒸熟，取出，苦葶藶炒一錢，同蒸餅杵丸，綠豆大，每車前湯下三五丸，日三服，神效。

五、治正水腫病方

正水腫病，大便利者，用銀朱半兩、硫黃煨四兩，爲末，麴糊丸，梧子大，每飲下三十丸。

六、治通身水腫方

通身水腫，取薑石燒赤，納黑牛尿中，熱服，日飲一升。

七、治黃腫水腫方

黃腫水腫，用推車丸：即明礬二兩、青礬一兩、白麴半斤、同炒令赤，以醋煮米粉糊爲丸，棗湯下三十丸。

八、治癰後虛腫方

小兒癰病，產後血氣上虛，熱在皮膚，身面俱腫，用萎蕤、葵子、龍膽、茯苓、前胡、等分，爲末，每服一錢，水煎服。

九、治四肢腫滿方

四肢腫滿，用白朮三兩，吮咀，每服半兩，水一盞半，大棗三枚，煎九分，溫服，日三四服，不拘時候。

一〇、治濕熱水病方

濕熱水病，用黃連末蜜丸，梧子大，每服二丸至四五丸，飲下，日三四服。

一一、治風水浮腫方

風水浮腫，方與婦人胎前部第二十八方同。

一二、治虛後水腫方

虛後水腫，因飲水多，小便不利，用白茅根一大把、小豆三升、水三升，煮乾，去茅食豆，水隨小便下也。

一三、治腫毒熱痛方

腫毒熱痛，用醋調白芷末傅之。

一四、治遍身腫滿方

遍身腫滿，陰亦腫者，用縮砂仁、土狗一個、等分，研和老酒服之。

一五、治癰瘦鼓脹方

癰瘦鼓脹，用三稜煎，即三稜根切，一石、水五石，煮三石，去滓更煎，取三斗汁入鍋中，重湯煎如稠

糖，蜜器收之，每旦酒服一匕，日二服。

一六、治濕腫虛腫方

濕腫虛腫，用香附子、艾、米醋煮乾，焙研爲末，米醋糊丸服，久之，敗水從小便出，神效。

一七、治氣虛浮腫方

氣虛浮腫，用香附子一斤，童便浸三日，焙爲末，糊丸，每半飲下四五十九，日二。

一八、治水腫尿澀方

水腫尿澀，取馬蘭菜一虎口，黑豆、小麥，各一撮，酒水各一鍾，煎一鍾，食前溫服，以利小水，四五日愈。

一九、治水病洪腫方

水病滿腫，胡洽居士香薷煎，用乾香薷五十斤，剉，入釜中，以水淹過三寸，煮使氣力都盡，去滓澄之，嚴火煎至可丸，丸如梧子大，一服五丸，日三服，日漸增之，以小便利則愈。

二〇、治通身水腫方

深師薏苡丸，治暴水、風水、氣水、通身皆腫，服至小便利爲效。用香薷葉一斤，水一斗，熬極爛，去滓，再熬成膏，加白朮末七兩，和丸，梧子大，每服十丸，米飲下，日五，夜一服。

二一、治一切腫疾方

一切腫疾，取紅花，熟搗取汁服，不過三服便瘥。

二二、治風水身腫方

風水身腫，欲裂，用鼠黏子二兩，炒研，爲末，每溫水服二錢，日三服。

二三、治風熱浮腫方

風熱浮腫，咽喉閉塞，用牛蒡子一合，半生半熟，爲末，熱酒服一寸匕。

二四、治大腹水腫方

大腹水腫，小便不利，用蒼耳子灰、葶藶末、等分，每服二錢，水下，日二服。

二五、治毒攻手足方

毒攻手足，腫痛欲斷，用蒼耳搗汁漬之，并以滓傅之立效，春用心，冬用子。

二六、治一切腫毒方

一切腫毒，用芭蕉根搗爛塗之。

二七、治裏水黃腫方

裏水黃腫，張仲景云，一身面目黃腫，其脈沉，小便不利，用甘草麻黃湯主之，麻黃四兩，水五升，煮去沫，入甘草二兩，煮取三升，每服一升，重覆汗出，不汗再服，慎風寒，又千金云，有患氣急久不瘥，變成水病，從腰以上腫者，宜以此發汗。

二八、治水腫脈沉方

水腫脈沉，屬少陰，其脈浮者，爲氣虛，脹者爲氣，皆非水也，用麻黃附子湯汗之，麻黃三兩，水七升，煮去沫，入甘草二兩，附子炮一枚，煮取二升半，每服八分，日三服取汗。

二九、治通身水腫方

通身水腫，用鹿葱根葉，曬乾，爲末，每服二錢，入席下塵半錢，食前米飲服。

三〇、治陽水暴腫方

陽水暴腫，面赤煩渴喘急，小便澀，其效如神，用甜葶藶一兩半，炒研末，漢防己末二兩，以綠頭鴨血及頭，合搗萬杵，丸梧子大，甚者空腹白湯下十丸，輕者五丸，日三四服，五日止，小便利爲驗，一加猪苓末二兩。

三一、治通身腫滿方

通身腫滿，用苦葶藶炒四兩爲末，棗肉和丸梧子大，每服十五丸，桑白皮湯下，日三服，此方人不甚信，試之自驗。

三三、治水腫尿澀方

水腫尿澀，梅師方，用甜葶藶二兩，炒爲末，以大棗二十枚，水一大升，煎一升，去棗，入葶藶末，煎至可丸，如梧子大，每飲服六十丸，漸加，以微利爲度。

崔氏方，用葶藶三兩，絹包，飯上蒸熟，搗萬杵，丸梧子大，不須蜜和，每服五丸，漸加至七丸，以微利爲佳，不可多服，令人不堪，若氣發服之，得利氣下即止，水氣無此，蕭駙馬水腫服此得瘥。

外科精義，治男婦大小頭面手足腫，用苦葶藶炒研，棗肉和丸小豆大，每服十丸，煎麻子湯下，日三服，五七日小便多，則消腫也，忌鹹酸生冷。

三三、治大腹水腫方

大腹水腫，肘後方，用苦葶藶二升，炒爲末，割鷄雄雞血及頭，合搗丸，梧子大，每小豆湯下十丸，日三服。

又方，葶藶二升、春酒五升，漬一夜，稍服一合，小便當利。

又方，葶藶一兩、杏仁二十枚，並熬黃色，搗分十服，小便去當瘥。

四、治鼓脹煩渴方

鼓脹煩渴，身乾黑瘦，取馬鞭草細剉，曝乾，勿見火，以酒或水同煮至味出，去滓溫服，以六月中旬雷鳴時採者有效。

、治大腹水腫方

大腹水腫，用馬鞭草、鼠尾草，各十斤，水一石，煮取五斗，去滓再煎令稠，以粉和丸，大豆大，每服二三丸，加至四五丸，神效。

三六、治渾身水腫方

渾身水腫，坐臥不得，取蒴藋根，去皮，搗汁一合，和酒一合，煖服，當微吐利。

三七、治通身浮腫方

通身浮腫，取杜蒺藜，日日煎湯洗之。

三八、治水氣腫滿方

水氣腫滿，外台秘要，用白商陸根去皮，切如豆大，大盞，以水二升煮一升，更以糯米一大盞同煮成粥，每日空心服之，取微利，不得雜食。

千金散，用白商陸六兩，取汁半合，和酒半升，看人與服，當利下水取效。

梅師方，用白商陸一升、羊肉六兩，水一斗，煮取六升，去滓，和葱豉作臠食之。

三九、治一切毒腫方

一切毒腫，用商陸根和鹽少許，搗傳，日再易之。

四〇、治腫滿洪大方

腫滿洪大，用防葵研末，溫酒服一刀圭，至二三服，身潤及小不仁爲效。

四一、治水腫喘急方

水腫喘急，小便濇及水蠱，用大戟炒二兩、乾薑炮半兩，爲散，每服三錢，薑湯下，大小便利爲度。

四二、治水病腫滿方

水病腫滿，不問年月淺深，用大戟、當歸、橘皮，各一兩，切，以水二升，煮取七合，頓服，利下水二三斗，勿怪，至重者，不過再服便瘥，禁毒食一年，永不復作，此方出張尚客。

四三、治水氣腫脹方

水氣腫脹，用大戟一兩、廣木香半兩，爲末，五更酒服一錢半，取下碧水，後以粥補之，忌鹹物。

簡便方，用大戟燒存性，研末，每空心酒服一錢匕。

四四、治水腫腹大方

水腫腹大如鼓，或通身浮腫，用棗一斗，入鍋內，以水浸過，用大戟根苗蓋之，瓦盆合定煮熟，取棗，無時食之，棗盡決愈。

又大戟散，用大戟、白牽牛、木香、等分、爲末，每服一錢，以猪腰子一對批開，摻末在內，濕紙煨熟，空心食之，左則塌左，右則塌右。

四五、治十種水氣方

十種水氣，用澤漆十斤，夏月取嫩莖葉，入水一斗，研汁約二斗，於銀鍋內，慢火熬如稀餚，入瓶內收，每日空心溫酒調下一匙，以愈爲度。

四六、治水氣壅病方

水氣壅病，用生鮮猫眼睛草，曬乾，爲末，棗肉丸，彈子大，每服二丸，白湯化下，日二服，覺腹中暖，小便利爲度。

四七、治水腫腹滿方

水腫腹滿，用甘遂炒二錢二分，黑牽牛一兩半，爲末，水煎，時時呷之。

四八、治膜外水氣方

膜外水氣，用甘遂末、大麥麴，各半兩，水和作餅，燒熟食之，取利。

四九、治身面洪腫方

身面洪腫，用甘遂二錢，生研爲末，以獾豬腎一枚，分爲七瓣，入末在內，濕紙包煨令熟，食之，日一服，至四五服，當覺腹鳴，小便利，是其效也。

五〇、治正水脹急方

正水脹急，大小便不利欲死，用甘遂五錢，半生半炒，胭脂坏子十文，研勻，每以一錢，白麪四兩，水和作碁子大，水煮令浮，淡食之，大小便利後，用平胃散加熟附子，每以二錢煎服。

五一、治腎水流注方

腎水流注，腿膝攣急，四肢腫痛，即前四十九方加木香四錢，每用二錢，煨熟，溫酒嚥下，當利黃水爲驗。

五二、治水蠱喘脹方

水蠱喘脹，用甘遂、大戟，各一兩，慢火炙研，每服一字，水半盞，煎三五沸服，不過十服。

五三、治水腫喘急方

水腫喘急，大小便不通，十棗丸，用甘遂、大戟、芫花，等分，爲末，以棗肉和丸，梧子大，每服四十丸，侵晨熱湯下，利去黃水爲度，否則次午再服。

五四、治水氣腫脹方

水氣腫脹，用續隨子一兩，去殼研，壓去油，重研，分作七服，每治一人用一服，丈夫，生餅子酒下，婦人，荊芥湯五更服之，當下利，至曉自止，後以厚朴湯補之，頻吃益善，忌鹽醋一百日，乃不復作。

五五、治陽水腫脹方

陽水腫脹，用續隨子炒去油，二兩，大黃一兩，爲末，酒水丸，綠豆大，每白湯下五十丸，以去陳莖。

五六、治水氣脹滿方

水氣脹滿，用蓖麻子仁，研，水解，得三合，清旦一頓服盡，日中當下青黃水也，或云壯人止可服五粒。

五七、治腫疾喘滿方

腫疾喘滿，大人小兒男女，腫因積得，既取積而腫再作，小便不利，若再用利藥，性寒而小便愈不通矣，醫者到此多束手，蓋中焦下焦氣不升降，爲寒痞隔，故水凝而不通，惟服沉附湯，則小便自通，喘滿

自愈，用生附子一個，去皮臍，切片，生薑十片，入沉香一錢，磨水同煎，食前冷飲，附子雖三五十枚亦無害，小兒每服三錢，水煎服。

五八、治脾虛濕腫方

脾虛濕腫，用大附子五枚，去皮四破，以赤小豆半升藏附子于中，慢火煮熟，去豆，焙研末，以薏苡仁粉打糊丸，梧子大，每服十丸，蘿蔔湯下。

五九、治陰水腫滿方

陰水腫滿，用烏頭一升，桑白皮五升，水五升，煮一升，去滓，銅器盛之，重湯煎至可丸，丸小豆大，每服三五丸，取小便利爲佳，忌油膩酒麪魚肉。

又方，大附子童便浸三日夜，逐日換尿，以布擦去皮，搗如泥，酒糊和丸，小豆大，每服三十丸，煎流氣飲送下。

六〇、治水蠱脹大方

水蠱脹大，動搖水聲，皮膚黑，用鬼扇根搗汁服一盃，水卽下。

六一、治水腫支飲方

水腫支飲，及癖飲，用十棗湯加大黃、甘草五物，各一兩，大棗十枚，同煮，如法服。一方，加芒硝一兩。

六二、治水蠱脹滿方

水蠱脹滿，用芫花、枳殼、等分，以醋煮芫花至爛，乃下枳殼煮爛，搗丸，梧子大，每服三十丸，白湯下。

六三、治賊風腫痹方

賊風腫痹，風入五臟恍惚，宜莽草膏主之，莽草一斤、烏頭、附子、躑躅，各二兩，切，以水和醋一升

，漬一宿，豬脂一斤，煎三上三下，絞去滓，向火以手摩病上三百度，應手卽瘥，若耳鼻疾，可以綿裹塞之，疥癬雜瘡，竝宜摩之。

六四、治身面卒腫方

身面卒腫，洪大，用兔絲子一升，酒五升，漬三宿，每飲一升，日三服，不消再造。

六五、治水腫腹大方

水腫腹大，喘急，用馬兜鈴煎湯日服之。

六六、治水蠱脹滿方

水蠱脹滿，用白牽牛、黑牽牛，各取頭末，二錢，大麥麴四兩，和作燒餅，臥時焙熟食之，以茶下，降氣爲驗。

六七、治諸水飲病方

諸水飲病，張子和云，病水之人，如長川泛濫，非盃杓可取，必以神禹決水之法治之，故各禹功散，用黑牽牛頭末四兩，茴香一兩，炒爲末，每服一二錢，以生薑自然汁調下，當轉下氣也。

六八、治陰水陽水方

陰水陽水，用黑牽牛頭末三兩，大黃末三兩，陳米飯鍋糕一兩，爲末，糊丸梧子大，每服五十丸，薑湯下，欲利服百丸。

六九、治水腫尿瀦方

水腫尿瀦，用牽牛末，每服方寸匕，以小便利爲度。

七〇、治濕氣中滿方

濕氣中滿，足脛微腫，小便不利，氣急咳嗽，用黑牽牛末一兩，厚朴制半兩，爲末，每服二錢，薑湯下，或臨時水丸，每棗湯下三十丸。